

মহানবী সা: অবমাননার প্রতিবাদ করা ৪ শিক্ষার্থীর বহিষ্কারাদেশ প্রত্যাহার দাবি  
চট্টগ্রাম ব্যুরো ২০ জুন ২০২২, ০১:২৪

মহানবী সা:-এর বিরুদ্ধে অবমাননাকর বক্তব্য দেয়ার প্রতিবাদে মানববন্ধনে অংশ নেয়ায় চট্টগ্রামের ভেটেরিনারি অ্যান্ড অ্যানিমেল সায়েন্সেস বিশ্ববিদ্যালয়ের চার শিক্ষার্থীকে ছাত্রলীগ কর্তৃক নির্যাতন ও সেমিস্টার পরীক্ষা চলাকালীন হল থেকে বহিষ্কারের প্রতিবাদে মানববন্ধন কর্মসূচি পালন করেছে ইসলামী ছাত্র আন্দোলন বাংলাদেশ চট্টগ্রাম মহানগর শাখা। গতকাল বিকেলে চট্টগ্রাম ভেটেরিনারি অ্যানিমেল সাইন্সেস বিশ্ববিদ্যালয়ের প্রধান ফটকে এ মানববন্ধন কর্মসূচি পালিত হয়।

মানববন্ধনে ছাত্রনেতারা বলেন, বাংলাদেশের মানুষ ধর্মপরায়ণ। রাষ্ট্র আমাকে নিজ ধর্ম পালনের অধিকার দিয়েছে। মহানবী সা:-কে অবমাননার প্রতিবাদ করার কারণে কোনো শিক্ষার্থীকে ছাত্রলীগ কর্তৃক নির্যাতনের শিকার হতে হবে, আবার তাদেরই প্ররোচনায় হল প্রশাসনকে ব্যবহার করে নির্যাতিত শিক্ষার্থীদের বহিষ্কার করা হবে তা কোনোভাবেই মেনে নেয়া যায় না।